

• hujusmodi sub eorundem verborum formula in consistorio nostro
• se facturos obtulerunt, litterasque eorundem potentatum Italiae
• et ducis ferrariensis confederatorum attulerunt. Qui ad nos sa-
• crumque collegium venerabilium fratrum nostrorum S. R. E. card.
• omnes hujusmodi controversias retulerunt, pollicentes quidquid a
• nobis decissum super his fuisset, ducem ipsum Ferrariae expletu-
• rum. Veneti vero saepius a nobis rogati, ut idem facerent, quod
• sane omni ratione facere debuissent, facere noluerunt, affirmantes
• se in rebus ferrariensibus nullum recognoscere superiorem, quod
• tametsi contra honestatem, contra jura et sanctorum patrum de-
• creta in nostrum contemptum ac nostrae auctoritatis et jurisdi-
• ctionis diminutionem plane esset: quia tamen ipsi veneti inde
• nullum bellum, sed concordiam sequi debere nobis persuade-
• bant, toleravimus, atque eos quanto potuimus hortari non ces-
• savimus ad benevolentiam reintegrandam cum duce ipso ferra-
• riensi ad quam ipse dux se offerebat. Et ut nihil omitteremus
• quod eorundem honori et quieti Italiae expediret, nolimus ad
• censuras et executionem litterarum praedictarum progredi, quo-
• niam concordiae et belli minime faciendi veneti praefati nobis
• spem certam dabant, in qua cum essemus et eosdem venetos ad
• mittendum nobis jura sua in praemissis hortaremur, contra eum-
• dem ducem Ferrariae, contra justitiam, contra nos quos bellum
• abhorrere sciebant, contra romanam ecclesiam, cujus juris civi-
• tas ferrariensis existit, nobis penitus insecis aperto Marte impia
• arma moverunt. Dilectus vero filius nobilis vir Alphonsus dux
• Calabriae, dilectae in Christo filiae nobilis mulieris Elionorae du-
• cissae ferrariensis frater, pro liberatione cognati, sororis et filio-
• rum eorundem ab ipsorum venetorum oppressione ad territo-
• rium ferrariense cum suis gentibus et armigeris se transferre
• volens, a nobis transitum petiit per terras praefatae Ecclesiae.
• Poteramus ei ad propulsandum injuriam per eosdem venetos
• eidem duci ferrariensi illatam proficiscenti jure optimo per ur-
• bes agrosque nostros transitum dare. Non fecimus tamen, immo